

Georg Buchholzer

Ein Trawbüchlein für die einfeltigen Pfarherrn inn der Marck zu Brandenburgk. Zu Ehren Dem Achtbarn, Hochgelarten, Erbarn vnd wolweisen Herrn Thomasen Matthisen, Churfürstlichem Brandenburgischem Rathe, Burgermeister zu Berlin, etc. in druck verfertigt, durch Georgium Bucholtzer Probst zu Berlin.

Franckfurd an der Oder: Eichorn, 1561

<http://purl.uni-rostock.de/rosdok/ppn780049942>

Druck Freier  Zugang






A ≐ J. A. B. H. 34

F. K. - 1041^{1.2.}

F. K. 1041



Zu Fl. 1266

Ein Trambüchlein

für die einfeltigen Pfarhern inn
der Marck zu Branden-
denburgk.

Zu Ehren

Dem Achtbarn / Hochgelarten / Er-
barn vnd wolweisen Herrn Thomafen
Matthisen / Churfürstlichem Brandenburg-
gischem Rathe / Burgermeister zu Berlin /
etc. in druck verfertigt /
durch

Georgium Buchholzer Probst
zu Berlin.

Anno M.D.LXI.

J. K. - 1041^{1.2.}



Dem Achtbarn Hochgelarten Erbaren
vnd Wolweisen Herrn Thomafen Matthisen Churfrö-
lichen Brandenburgischen Rathe/ vnd Burger-
meistern zu Berlin etc. meinen groß-
gunstigen Herrn. etc. •

Gottes Gnade vnd friede durch vnsern
Herrn Ihesum Christum / Gottes
vnd der Keinen Jungkfrawen Ma-
rien Son / Amen.

Achtbarer Hochgelarter Erbarer vnd Wol-
weiser Grofgünstiger Herr Burgermeister /
E. gunsten ist mein demütigs Pater noster
beuor. Der heilige Geist sagt durch den mundt
Davids Psal. 112. Das geschlecht der frommen
wird gesegnet sein / reichthumb vnd die fülle wird
in irem hause sein / vnd ire gerechtigkeit blei-
bet ewiglich. Dis hat Gott am Abraham / Isa-
ac / Jacob / Joseph / Job / David / Salomō / gar
reichlich beweiset / wie die heilige schrift bezen-
get / vnd weil denn solcher segen Gottes bei de-
nen / so sein wort vnd gemeinen nutz lieben /
noch für vnd für weret / vnd ich auß fleissigen
nachfragen souiel berichts empfangen / das
gleichwol ewer geschlecht nuhe mehr eine lan-
ge zeit her viel ansehlicher leute gehabt / die im
A 2. Geistlichen.

Geistlichen vnd weltlichen regirungen nützlich
en sein gebraucht worden / Kan ich solchs nicht
anders dann vor einen sonderlichen Segen
Gottes achten / damit der allmechtige Gott /
die gutherzigkeit vnd thugenden / damit die
ewren begabt gewesen / wiederumb hat zieren
wollen / Vnd Erstlich ist auß dem vnleugbar
abzunemen / das ewre vorfaren auch voralters
fromme vnd gutherzige Leutte müssen gewe-
sen sein / Das sie alhie zu Berlin vnd an andern
örtern / do sie ire domicilia gehabt / den Kirch-
en nicht ein geringes zugewandt haben / wel-
chs zu erhaltunge der schulen vnd predigampts
noch heutiges tages angewandt wirt.

Vnd hat sonderlich ewer grofvater Chri-
stian Matthias / so alhie zu Berlin in gutten an-
sehen vnd vermögen / ein Burgermeister gewe-
sen / nicht allein in deme seiner voreltern fuf-
stapffen gefolget / Sondern auch auff seine Brü-
der vnd freunde / so zu studiren düchtig vnd ge-
schickt gewesen / damit sie etwas erfahren vnd
lernen / vnd landen vnd leuten nützlich vorste-
hen vnd dienen könten / nicht ein geringes ge-
wandt / Vnd ist solch sein anwenden fast wol
vnd rümllich geraten.

Dann erstlich sein Bruder Doctor Simon
Matthias

Matthias seiner geschickligkeit halben / von der
herschafft mit der Probstei alhie zu Berlin ist
begnadet / dazu man dā zu der zeit / weil es nach
dē Bischoff thumen vnd hohen stifften / der vor
nehmsten prelaturē im lande eine / vnd die Prob
ste der Herschafft Rethen gewesen / nicht gemei
ne / sondern ansehnliche leute gebraucht hat.

Doctor Jacob Matthias ewers grosuater
Vetter / vnd seiner hausfrawen ewer gros mut
ter bruder / so fast des mehrern theils von ewer
grosuater in seinem studio auch ist vnterhaltē /
vnd mit natürlicher vnd anderer geschickligkeit
seinem Vettern .D. Simonem / wie man es da
für gehalten hat vbertrossen / ist auß begnadun
gē der herschafft / nicht alleine zu der Stendali
schen Probstei befördert / sondern auch zu dem
zuchmeister ampt des Hochwirdigsten in Gott
Durchleuchtigsten vnd Hochgebornen Für
sten vnd Herrn / Herrn Albrechts Cardinals
Churfürstē vnd Erzbischoffs zu Magdeburgē
vnd Meintz / Marggraffens zu Brandenburgē.
zc. Hochlößlicher vnd seeliger gedechtnis beruf
fen / vnd wie derselbige solchen seinen beruf an
gewandt / ist meniglich / denen der hochlößliche
vnd vortreffliche Fürst der Cardinal seeliger
bekandt gewesen / wol bewust / so geben auch

2 3 andere

andere Doctoris Jacobi Matthias sehligen
hendele/ so noch vorhanden/ gute anweisung/
wie gar ein wolgeschickter dächtiger man er
zu weltlicher regierung/dazu man die hiehi
sche vnd Stendalische Pröbste domals vor an
dern gebraucht/gewesen.

Von ewers grosuatern fünff Sönen/ ist
der eltest/ so geistlich geworden/ er Johan Mat
thias von naturen gar geruhigt gewesen/ vnd
also/ in einem guten alter/ priuatus gestorben.

Jacob Matthias hette zu hendelen/ nach
dem er wol gestudiret gehabt/ mögen gebraucht
werden/ ist aber in der jugendt von dieser welt
abgeschieden.

Die andern drey aber/ als Erasmus/ Christia
an ewer Vater seheliger/ vnd Georg Matthias
as/ so noch im leben/ seind alle zu dem stande/ da
rinnen ewer grosuater seheliger gewesen/ gera
then/ vnd seind/ Erasmus zu Gustraw vnd ew
er Vater Christian am ersten in der Newen
stadt/ vnd hernachmals in der Altenstadt Bran
denburgk/ vnd Georgen Matthias der Jung
ste vnter den Brüdern alhie zu Berlin Burger
meister geworden.

Zu Gustraw ist Erasmus sehligiger in seinem
stande des ansehens gewesen / das ehr nicht
alleine/

alleine/als ein Burgermeister die Stadt regiret hat / sondern auch von den Herzogen zu Meckelnburgk/ vnd sonderlich Herzogk Heinrichen seligen/ zu beradschlagungen der herschafft vnd Landschafften fürnehmen sachen zu vielmalē auch gezogen vnd gebraucht worden.

Wie ein redlicher beretter frommer vnd vorstendiger man ewer Vater seliger / der auch gewislich seine andere Brüder mit geschickligkeit zu reden / vnd anderen gaben / weit vbertrossen/ gewesen / wie lieb er das wort Jesu Christi vnd die diener desselbigen gehabt/ wie werd er den gemeinen nutz gehalten/ vnd den seinen gar nicht geachtet/ ist offentlich am tage/ vnd zeuget solchs jederman vom jme / dem er bekandt gewesen.

Was für fleis ewer Vetter der Burgermeister Georg Matthias noch heutiges tages/ in seinem beruffe vnd ampte / alhie anwendet/ vnd wie getreulich er es mit der Kirchen Gottes vnd gemeinen nutze meinet / ist menniglich vnuerborgen/ wolte Gott es hette sein Sohn Peter Matthias seliger / welcher in der ersten blüenden jugend vnzeitig abstarb/ leben sollen / Es hette sich gewislich seiner nicht alleine diese Stadt/ sondern auch die herschafft vnd das ganze

ganze Landt nicht wenig gehabt zu erfrewen/
vnd ist mir vnd andern wissentlich/wie gar be-
solamerlich der vnzeitige todts des wolerfarnē
jungen Menschen / dem hohen tewren manne
seinem Praeceptor / Doctori Hieronymo
Schurpff seligen gewesen.

Ir vor ewer Person / ob jr wol von dem teu-
ren gelerten vnd heiligen manne dem Herrn
Philippo Melanthe / ewrem Praeceptore/
vnd anderen gelerten Leuten in ewrer jugendt
erzogen / vnd dardurch zu fast hohen stande
vnd ansehen gerathen / auch mit allerley thugē-
den / die der Allmechtige / zu seinem lobe / in euch
mehren wolle / seid begabet / so ist doch nicht die
geringste thugendt in euch / das jr ein Vater
vnd Patron aller Gelerten seid / vnd helffet zum
Ministerio vnd Schulen auff das treulichste /
vnd ich gedencke noch / das vor wenig wochē /
der fürnemste gelerteste / Churfürstlicher / vnd
Brandenburgischer Rath / öffentlich sagte
Geliebter her Probst / jr werders erfahren / das
Gott der Vater Jesu Christi / dem Burgermei-
ster Thomas Matthias groß glücke vnd heil
geben wird / derhalben das er so willig vnd ger-
ne zum Predigamt Schulen vnd Kirchen /
darzu armen gelerten / vnd armen leuten thudt
helffen

helffen/diese thugendt an ime/wird Gott nicht
vnbelohnet lassen/das wird gewiß geschehen/
wie Christus spricht/ Date & dabitur vobis.

So gehören auch zu ewrem geschlechte
mit / ob sie schon des Namens nicht sein / die
hochgelarten als Magister Paulus Prætorius
Madedburgischer Erzbischofflicher præcep-
tor vnd Radt / vnd Doctor Joachim Lindt-
holz/ Nach dem Magistri Pauli großmutter
vnd Doctoris Lindholz großvater / ewers
Vatern selhigen Mutter / vnd derselbige ndr ü-
ders Doctoris Jacob Matthisen schwester
vnd Brüder gewesen. Wie auffrichtig vnd vn-
thadelhaftigk sich nuhe die beide in irem beruff
vnd emptern vorhalten / vnd zu was ansehen
Magister Paulus bey der herschafft vnd son-
sten mēiglich seiner sonderlichen trew vnd ge-
schickligkeit halben / gerathen / vnd wie tewer
vnd werdt ehr die Kirchen / Schulen vnd ge-
meinen nutz hat / ist meniglich / dem er bekandt /
vnuerborgen.

Nach dem dann ewer geschlechte / ein solch
from Gottfürchtigk geschlecht gewesen / vnd
B noch

noch ist/so hat es Gott auch wiederüb reichlich
gesegnet vnd wird es noch reichlicher segnen/
wie der Psalm saget/das werdet jr ersarē/den
Gott nicht liegen kan/wie S. Paulus spricht.

Vnd weil jr mir denn auch viel gutthad erzei
get / vnd jr nuhe die Erbar vnd Thugentsame
Jungkfraw Ursula / des Erbarn Wolweisen
vnd selhigen Michael Meyenbures tocht
ter/etwan Burgermeister zu Northausen/der
eines grossen ansehens vnd vormögens / vnd
ein sonderlicher Liebhaber der Christlichen
Keinen vnd heiligen Lutherischen Lehre war /
vnd den hochgelarten vnd heiligen mann den
Herrn Philippum Melanthonem hoch ehre
te vnd liebete / zur ehe nehmet / des gleichen der
Erhaffte vnd Geleerte Michael Diterich / die
Erbare vnd thugentsame Jungkfraw Mag
dalena / ewer selhigen Schwester tochter/
auch zum weibe bekömpft / solt ich mich ja billich
danckbar erzeigen / dann der alte grosse vnd
weise ManEnnius gesagt hat / Satius esse peri
re, quam ingratum viuere. Er wolt lieber
todt sein/ dan vndanckbar sein.

Dieweil

Dieweil den ezliche Stedte/vnd pfarhern
auff den dörffern in der Marcke offtmals an
mich geschriben vnd gebeten haben / ich wolt
inen meine form / Braut vnd Breuttigam zu
uortrawen/vnd zusamen zugeben/ vberschickē
vnd mitteilen / das ich gethan / mir aber des ab
schreibens zu viel wird/vnd jr ebē mit ewrem
schwager Michael Diterichen meinem beson
dern freunde / auch so vortrawet worden/ da
habe ich die form/ mit sampt dem Brautamt
des andern tages/wie es hie zu Berlin/da man
zwier / als abends vnd morgens / zur kirchen
gehēt/ gehalten wird/euch zu eheren/inn druck
vorfertiget/domit die armen pfarhers / die es
nicht besser wissen / vnter ewren nahmen / die
können bekomen / vnd in jren kirchen gebräu
chen /denn kurzlich darinne vorfasset ist / was
vom Ehestande zusagen nötig ist/vnd bitte ich
euch als meinen Herrn / jr wollet solchs von
mir annehmen vnd euch gunstiglich gefallen
lassen / denn euch zudienen erkenne ich mich
schuldig.

Gott der Vater vnser Herr Jesu Chri
sti / sampt dem heiligen geiste komme zu ewer

B 2 vnd

vnd ewers schwagers hochzeit / vnd segene
ewren Ehestand / vnd gebe euch glücke / Lan-
ges Leben vnd gesundheit / zu erfüllen die er-
den / vnd das jr euch ja miteinander liebet vnd
wol vortraget / vnd endlichen sehlich wer-
det / das gebe Gott / durch Jesum Christum
seinen Son vnseren Herren / Amen. Damit
der Reichen gnade Gottes befohlen. Datum
Mitwochs nach Lucia Anno 1561.

L. G.

Williger
alter Capelan

Georgius Buchholzer
Probst zum Berlin

Wie man Breutigam vnd Braut / zusammen / ehelichen in der Kirchen vertrawen sol/

Erstmal/ sol der Priester den Breutigam vnd
die Braut fragen/wie sie beide heißen/
darnach spreche er zum Volck/so
da vorhanden / also.

Leben Freunde / nach dem jr im Na-
men vnser lieben Herren Ihesu Chris-
ti versamlet seidt / vnd ein werck der
liebe gethan / vnd mit diesen Christlichen
ehelutten an her gegangen / ire angefangene
ehe / in Gottes namen helffen bestetigen /
so wil ich euch trewlich vermanet vnd gebe-
ten haben/jr wollet Gott den Vater vnser lie-
ben Herrn vnd heilandes Ihesu Christi bitten
vnd anruffen / das er diesen beiden personen
wolle geben seinen heiligen Geist / der jnen
wolle seine gnade vorleihen / das sie mügen
jren ehestandt also Göttlich anfangen / vnd
hernach so Christlich mit einander leben/ das
fürnemlich dadurch Gottes name werde ge-
heiliget / sein Reich zu kome / vnd sie endlich
mögen beide selig werden.

B 3 Liben

Lieben Freunde/dann Gott der Himlische
Vater / Himmel vnd erden geschaffen hat/
vnd alles was darinne war / hat er auch ge-
schaffen den Menschen / ein Menlin vnd ein
Frewlin hat er sie geschaffen / wie im ersten
buch Mofi / am ersten capittel geschrieben ste-
het / auß diesen Worten ist klar / das der Ehe-
stand ein geschaffen werck Gottes ist also /
das mann vnd weib zusammen müssen / vnd ist
inien eingepflanzt von Gott in irer natur /
das eins des andern begerdt / vnd ehelich zu-
sammen wollen.

Es hat auch Gott den ehelichen Standt/
gelobet vnd gepreiset / ehe er Euam schuff /
da er sagte / es ist nicht gut / das der Mensch
alleine sey / ich wil im ein gehülffen machen / die
vmb in sey / mit diesen Worten / stoffet Gott
darnider vnd zu boden / das sich vnter stehet
alleine zu sein / vnd was nicht hat die hohe
gabe Gottes der Keuscheit oder reinigkeit
Denn es ist nicht gut gewesen allein zu sein / da
der Mensch im Paradis in der vnschuld ge-
lebt hat / viel mehr ist es nu nicht gut / nach dem
der Mensch gefallen / vnd aller bösen lust vol
ist.

Dann Gott der Herr Mann vnd Weib zu-
sammen

47 26

sammen geschaffen hat / segnete er sie vnd sprach zu inen / seid fruchtbar vnd mehret euch / vnd füllet die erden vnd machet sie euch vnterthan. Hie drucket Gott auß die vrsach / worümb er Mann vnd Weib zu sammen geschaffen hat / nemlich darümb / das sie wachsen vnd fruchtbar sein sollen / vnd die Welt helffen mehren / Diese vrsach alleine / nicht sonderliche fleischliche vnzucht vnd wollust / sollen den Menschen bewegen / in die ehe zu treten / vber das zeigt der Heilige Paulus noch eine vrsach an / vnd spricht. Das ein iglicher / zu vermeiden hurerey / habe sein eigen Weib / vnd ein iglich Weib / habe iren eigen Mann. Denn hurerey vnd ehebrecherey / ist eine solche grausame sünde / die Gott allzeit sonderlich gestrafft hat / wie denn anzeigen die Historien des alten Testaments / als die sündfludt / da Gott von wegen der sünde / Menschē vögel vnd Thier auß erden lies versincken / vnd vorsaffen / bis auff acht Personen / vnd darnach das schreckliche vorderben vnd vndergehen der Stedte Sodoma vnd Gomorra.

Diesem Ehestand hat Got auch auß erleget ein kreuz / auff das sie vrsach haben zu vbung
des

des glaubens vnd der liebe vnd anruffung
Gottes. Das Kreuze des weibes ist / wie Gott
seiber zu Euam spricht / ich wil dir viel schmer-
zen schaffen / wen du schwanger wirst / du solt
mit schmerzen Kinder geben / vnd dein wil-
le sol deinem Mann vnterworffen sein / vnd er
sol dein Herr sein / das Kreuze des Mannes
ist / wie Gott zu Adam spricht / im schweis
deines angesichts / soltu dein Brod essen / bis
das du wieder zur erden werdest / danon du
genommen bist / denn du bist erden vnd solt wie-
der zu erden werden. Das Kreuze sollen ehe-
liche leute warten vnd willig tragen.

Darnach rede der Priester den Breut-
gam an / mit solchen Worten.

N. Mein Son in Christo Jesu / dieweil du
hie stehest vnd wilt **N.** zum ehelichen weibe
nemen / so hastu gehöret / was dir Gott auffer-
leget / als nemlich das du im schweis
deines angesichts / solt dein brod essen / das ist /
deines beruffs trewlich warten / dich mit Gott vnd
ehren deiner hende arbeit neeren / one betrug
deines nechsten / damit du dein Weib ernereft.
Zum

Zum andern sagt S / Paulus. Der Man
sol lieben sein Weib / als seinen eigenen Leib/
Vnd liebestu deinen Leib / also / ist er krank vnd
schwach / so gehestu gemacht mit jm vmb / vnd
thust dem das beste. Vnd ob schön ein ander
ein schönem vnd starckern Leib hat / den dein
Leib ist / noch ist dir dein schwacher kranker
Leib viel lieber / den des andern. Also soltu mit
deinem Weibe thun / ist sie schwach / gebrechlich
vnd in Krankheit / soltu freundlich mit jr vmb-
gehen / vnd in der höchsten Noth vnd elend die
groste Treue an jr beweisen vnd nicht ehe von
jr scheiden / Gott scheide euch den durch den
tod / wiltu das thun / so bekenne das hie of-
fentlich vor dem Angesichte der ganzen hei-
ligen dreyfaltigkeit / Als vor Gott Vater/
Son vnd heiligen Geist / vnd in gegenwer-
tigkeit der lieben Engel Gottes / die bey vns
sein / vnd in beivwesen / dieser fromen Chris-
tenleut / die es mit anhören vnd sage in
Gottes namen / Ja.

Darnach rede er die Braut
an / auch also.

V. Meine liebe Tochter in Christo Ihesu/
C du hast

du hast gehört / was dir **N.** vor grosse trewe
vnd liebe zugesagt hat / Gott gebe jm seinen
heiligen Geist / das ers also halten mag / Auch
hastu gehört / was dir Gott zu thun aufser-
leget hat / als nemlich / das dein wille / deinem
Manne / sol vnterworffen sein / vnd er sol dein
Herr sein / das ist / alles was er heisset / das soltu
von hertzen gerne thun / vnd alles / was er
dir vorbent / soltu gerne lassē / vnd nichtes anfa-
hen oder thun / es sol mit seinem vorwissen vnd
willen geschehen / vnd jm in allen Göttlichen
dingen gehorsam sein / den du solt nu von al-
len menschen abgesondert sein / von Vater
vnd Mutter / von aller deiner freundschaft /
vnd allein deinem Manne mit gehorsam zu-
gethan sein / darnach soltu auch solche trewe
an jm beweisen / das du in keiner noth / oder
jammer / von jm scheiden solt / vnd in der aller
hochsten noth / die groste trew an jm bewei-
sen / vnd niemmermehr von jm scheiden / Gott
scheide euch denn / durch den Todt. Wiltu das
thun / so bekenne das jzt offentlich vor dem
angefichte der heiligen dreyfaltigkeit / als
für Gott Vater / Son / heiligem Geist / vnd
in gegenwertigkeit der lieben Engel Gottes /
die bey vns sein / vnd in beuweisen dieser fro-
men

men Christenleut / die es mit anhören / vnd
sage in Gottes namen / Ja.

Darnach spreche der Priester zu dem Volck also.

Lieben Freunde / die weil jr denn jetzt ge-
höret habt / was diese beide Personen einan-
der zugesaget vnd gelobet haben / nu sein sie
dreyimal / nach der ordnung der heiligen
Christlichen Kirchen / von der Cangel auff-
gebotten / vnd abgekündiget / vnd der Name
Gottes ist vber sie angeruffen worden / dar-
bey angezeigt / hette jemandts ein einspruch
zu thun / der wolts bey zeitten thun / nu hat
sich niemands gefunden / derhalben biete ich
sie auff zum vierdenmal / vber alle recht / wil
noch jemandts ein einrede thun / der thu dassel-
bige izunder / vnd schweige hernachmals.

Hie neme der Priester die ringe von Brent-
gam vnd Braut / vorwechsele sie / vnd stecke
inen die wider auff / vnd spreche zu dem Vol-
cke.

Lieben Freunde / dieweil denn beyde Per-
sonen / hie gegenwertig offentlich bekandt /

C 2

das sie

Das sie einander ehelich haben wollen / vnd
haben auch einander / nach Landes gewon-
heit zeichen der vortrawung / das sein die ringe
ge darauß gegeben. Denn gleich wie das
Gold an den Ringen / das beste metal vnter
allen metallen ist / es sey silber oder anders /
Also / ist auch die eheliche liebe vnter Mann
vnd Weib / die hochste vnd beste liebe / die als
leine Gott wol gefelt / die ander liebe / als hu-
ren liebe / ist die Teuffelische liebe / die zur
hellen füret. Wie auch die ringe ganz vnd
vntzerbrochen sein / Also / sol auch die eheliche
liebe zwischen Mann vnd Weib ganz vnd
vntzerbrochen bleiben / vnd sol niemands die
zubrechen / denn Gott durch den todt.

Dieweil denn niemands kein einspruch
gethan hat / so wil ich sie / als ein diener Got-
tes vnd vnsers Herrn Ihesu Christi seines
Sons / vnd dieser Kirchen zu Berlin in Got-
tes namen verehelichen vnd zusammen geben.

Hie füge der Priester die Rechte handt
des Breutigams vnd Brauth zu
sammen vnd spreche.

Der

Der almechtig Gott vnd Vater vnfers
Herrn Ihesu Christi / der Mann vnd Weib
zum ehestand verordent hat / vnd mit fruchten
des leibes gesegnet vnd gebenedeiet. Vnd das
Sacrament seines Sons Ihesu Christi
darinne bezeichnet / derselbige Gott gebe euch
zusammen vnd stehe euch bey durch seinen
liebsten Son / vnd gebe euch seinen heiligen
Geist / der euch seine gnade verleihe / Auff das
ir wachset / fruchtbar seid / vnd mehret euch
vnd füllet die Erden / Vnd das ir euch ja mit
einander liebet / vnd wol vertraget / vnd was
Gott zusammen gefüget hat das sol kein
Mensch scheiden / darumb sol der Mensch
verlassen Vater vnd Mutter vnd seinem
weibe anhangen. Vnd ich als ein diener
Gottes spreche euch ehelich zusammen / Im
namen Gott des Vaters / des Sons / des
heiligen Geistes / Amen.

Darnach gebe der Priester den se-
gen ober sie / mit auffgehobener
handt / drey mal Creuz weis
vnd spreche lauth /

E 3 Der

Der Herr segene dich / vnd behüte dich /
Der Herr lasse sein angesichte leuchten
vber dir / vnd sey dir gnedig.

Der Herr hebe sein angesicht vber dich /
vnd gebe dir Friede / Amen.

Des andern tages sol der Priester die
Braut vor der Kirchen / mit solchen Worten
einleiten.

Last vns beten.

Allmechtiger Gott vnd Vater / der du hast
Adam auf einem Erdenklos gemacht / vnd im
gegeben Euam zu einem gehülffen / wir bit-
ten dich herzlich / du wollest deinen segen /
durch deinen Heiligen Geist / reichlich in dies-
ser deiner dienerinne / die sich auff dein wort
im ehestandt begeben hat / erhalten / das da
durch dein heiliger name ewiglich gepreiset
vnd gelobet werde / durch Jesum Christum
deinen Son vnsern Herrn / Amen.

Darnach neme er die Brauth bey
der rechten handt vnd spreche.

Der Herr behüte deinen eingang vnd
aufgang / von nu an bis in ewigkeit / Amen.

Darnach sol das gewonlich Brauth ampt
gehalten werden. Colo

Collecta in der Brauth Messe/oder ampt/
nach dem Kyrie Eleyson.

Last vns beten.

O Herre Jesu Christe/ewiger allmechtiger
Gott vnd Mensch / der du deines Vatern
gestieffte / den ehestandt geehret hast/ vnd zur
hochzeit zu Cana in Galilea gangen / vnd
wasser zu wein gemacht/ dadurch du geoffen-
baret hast / deine herrligkeit/ eine herrligkeit/
als des eingebornen Sons vom Vater /
voller gnade vnd warheit / wir bitten dich
herzlich / dn wollest noch zur hochzeit kómen/
vnd allen Christlichen ehelenten in irem stan-
de trost vnd hülffe erzeigen / vnd jr trübsal/
Creutz/ vnd leiden zur freude wenden / der
du lebest vnd regierest mit dem Vater vnd
heiligen Geist in ewigkeit/ Amen.

Darnach lese der Priester die epistel
Ad Ephesios quinto 2c. Die weiber sein vn-
terthan 2c. Bis zum ende des Capittels / vnd
das Euangelium Marci. 10 / vnd die Phari-
seer 2c. oder das Euangelium Johannis. 2.
von der Hochzeit zu Cana in Galilea/vnd wen
das Vater vnser gesungen ist / soll der Prie-
ster

Ste vor dem Altar in der Kirchen vber
Brentgam/ vnd Brauth kniende diese benedic-
tion/oder einsegnung beten vnd sprechen.

Lieben Freunde / dieweil jr heut abermals/
ein werck der liebe gethan/ vnd mit diesen bei-
den eheleuten hergegangen ire angefangene
ehe in Gottes namen helfen bestetigen / die-
weil denn der Teuffel ein sonderlicher feindt
ist des ehestandes/ vnd thut jm wehe/ das noch
Christliche manne vnd frawen befunden wer-
den/ die Göttlich mit einander leben/ vnd sich
lieben vnd wol vertragen/ der wolt gern alle jr-
rung vnd zwitracht zwischen ihnen anrichten:
Derhalben ist noth wieder den erbfeindt der
Christenheit zu betē/ Derwegen wil ich Euch
treulich vermanet haben / jr wollet alle sampt
Brentgam vnd Brauth/ Gott den Vater
vnser Herrn Jesu Christi vnd in seinem na-
men bitten vnd anruffen/ das er diese eheleute
durch seinen heiligen Geist wolte segnen / das
jr ehestandt / mocht wol geraten / dadurch
Gottes name geheiligt werde. Darumb
bete vnd spreche ein jeglicher in seinen hertzen
mit mir also.

Laß

Last vns beten.

Gott der du Mann vnd Weib zum **Ges**
standt verordnet hast / darzu mit fruchten des
Leibes gesegnet / vnd das Sacrament dei-
nes lieben Sons Jesu Christi / vnd der
Kirchen seiner Brauth darinne bezeichnet/
Wir bitten deine grundlose gute / du wollest
solch dein geschopffe / ordnung vnd segen
nicht lassen verrucken noch verderben / son-
dern gnediglich in vns bewaren / durch Jesum
Christum vnsern Herrn Amen.

Last vns beten.

O Allmechtiger barmhertziger ewiger Gott
vnd Vater vnser Herr Jesu Christi / selig-
machers / erlösers vnd mitlers / Wir bitten
dich / du wollest gnediglich / vff diese gegen-
wertige eheleute / die in deiner furcht vnd in
deinen wegen wandern herab sehen / das sie
lieber / wie Abraham / da er Isaac opffert /
das edelste vnd beste / das sie auch haben / ver-
liren / Denn wieder dich rathen / thun vnd
handelen / es thue jnen wol oder wehe / vnd das
sie mögen / verlassen alle böse wege / vnd allein

D in

in deinen wegen wandelen / vnd wårten / war
zu du sie beruffen wirst / deinem Heiligen
Geist zu folgen / vnd deinen namen zu heiligen /
damit sie dich fürchten mügen / vnd bereidt
sein vmb dein entwillen / so es die noth erfor-
dert / alles zu vorlassen / zu vorlieren vnd zu
leiden / was ihnen lieb ist / vnd alles zu thun vnd
zuschaffen / Klein vnd groß / was du von ihnen
forderst / vnd gebestest. Hilff lieber Vater /
das der Mann seins beruffs warte / vnd im
schweiß seins angesichts / sein Weib ernere /
Aber doch das du auch gibest / das er von sei-
ner hende arbeit esse / brodt habe vnd erneret
werde. Las das Weib / O Herre Gott / die
weil sie auff dich ehlich wird / grünen / Wie ei-
nen weinstock / das sie in deiner furcht / vnd
auff deinen wegen gehe vnd stehe / vnd als eine
gute kinder Mutter / erhalten werde / Das
der Man erbeite / vnd schaffe / die Frau / die
hausfahre / was erarbeit ist / zu rate halte in
aller Gottseligkeit / lasse sich / wie ein weinre-
ben / mit einem strobendelein lencken vnd an-
binden / dem Manne gehorsam zu sein / Vnd
das der Man wisse / das sie ein edler wein-
stock sey / von seiner rieben / nicht von süßen
genommen

genommen / Lasse sie sich auch beide frewen /
vber ihre kinder / wie vber zarten Oelpflantz /
vmb jren tisch herum / das sie die in furcht
des Herrn auff erziehen / vnd las diesen seggen
vber sie also gehen / das man sagen müge dir zu
ehren / also gehet es denen / die Gott fürchten.
Gib gütiger Vater / das sie das Euangelium
gerne hören / Ire kinder auffziehen zu deinen
ehren / vnd zu außbreitung des Himmelreichs
vnd der Christlichen Kirchen. Las sie auch
langes leben haben / auff das sie erleben / das
Gottes wort reichlich im schwangt gehe /
vnd sie alls Gottes kinder vielen andern zur
seligkeit dienen mit reiner lere / guten Christ-
lichen leben / anhalten vnd vermanen. Las sie
auch erleben / Kindes kind / bis ins dritte vnd
vierde gelied / auff das alle die / so ire leibe vnd
Tempel Gottes / mit vnzucht verunheiligen /
mit furcht vnd zittern in rechter busse vnd
herzlicher Christlicher bekerung sagen kon-
nen / Siehe also wird der Man gesegnet / der
den Herrn furchtet / durch Ihesum Christum
vnsern Herrn / Amen.

D ij Wenn

Wen der Priester dasselbige gebet ge-
sprochen / solter der Braut rechte handt
ergreifen / vnd sie dem Breut-
gam geben vnd
sprechen.

Im Namen Gott des Vaters / vnd des
Sons vnd des Heiligen Geistes / Amen.

Vnd spreche zu dem Manne /
Lieber Son / diese soll hinfurt deine Ehe-
fraw sein / vnd liebe sie / wie Jesus Christus ge-
liebet hat seine Christliche Kirche.

Weiter spreche er zur Braut /
Liebe tochter / dieser sol hinfurt dein Ehe-
man sein / vnd solt jm vnterthan vnd gehorsam
sein / wie die Christliche Kirche Jesu Christo
jrem Herrn / vnterthenig vnd gehorsam ist.

Darnach gebe der Priester den seggen
ober sie / mit auffgehobener handt /
drey mal creuz weisse /
vnd spreche laut.

Der

Der Herre segne dich/ vnd behüte dich/
Der Herre lasse sein angesicht leuchte
vber dir/ vnd sey dir gnedig.
Der Herre hebe sein angesicht vber dich/
vnd gebe dir friede /Amen.

Gedruckt zu Fran-
ckfurd an der Oder
durch Johann
Eichorn.



Faint, illegible text, possibly bleed-through from the reverse side of the page.

Faint, illegible text, possibly bleed-through from the reverse side of the page.

